

In Bosprijs Comition.
 D^r Beale Joh: procar: Moder
 D^r Stano Jof: vesp:



D^r Cumber Tran
 D^r Sanrofe Eman
 D^r Lang Penbro:
 D^r Moor Corp Chry:
 D^r Martin Rigni

Licet Sacerdoti civilem potestatem exercere.

Ergo Sacerdoti vetitum sibi sumere fasces?
 Aroni quoque *virga* fuit. Nec Clerus honores
 Civiles obeat? Sed enim quoque *floruit* illa.
 Et licet, & fas est: sileant tua murmura, Core.
 In populi causas meritò commissa potestas
 Pontifici; nimirumq; sibi non vindicat Aron.

Tu tamen interea *nè savi magne Sacerdos*,
 Qui rapis injustum nullo cum limite regnum,
 Qui geminos Petri gladios sine numine vibras
 In *Malchum*, in *Regem*. Desiste, ensēq; reconde.
 Non Petro in Reges unquam concessa potestas,
 Non illi imperium mundi, triplēxque corona,
 Nec tibi sorte datum. Sellā descende curuli:
 Disce pati dominum, & *sceptro* submittere *claves*:
 Saltem ultraproprrium pennas *nè* extendito nidum.

At quia Papa sibi *nimios* assumit honores,
 Ergo Presbytero, mi frater Episcopomastix,
 Concedis *nullos*? In Præsule nulla potestas
Civilis gladii? Verbi cui sufficit *ensis*
 Scilicet! Usque adeò populo sub iudice nostra
 Res cadit, & fatis urgemur Clerus iniquis.

Suspisor invidiam zeli sub veste latentem.
 Cur etenim fasces hierarchia sacra recuset?
 Ferrum acuit ferrum, atq; ensis micat ense, magisq;
 Gemma magistratūs doctrinæ fulget in auro.
 Est & Doctori sua purpura: Clericus ordo
 Civilem haud *ambit*, sed nec *contemnit* honorem.

Qui *pacem* in coelis, æternāque fœdera sancit,
 Quidni etiam in terris queat *irenarcha* vocari?
 Quisq; *animas* curat, quidni vel *corpora* servet?
 Hoc neque relligio prohibet, nec Pagina sacra,
 Nec natura negat. Divina humanāque *jura*
 Ut bene conveniunt, adeò non *munera* pugnant.

ERGO

Idem rex hominum poterit, Phœbique Sacerdos
 Esse; magistratus populūque, Deique minister.

Pecatum est adequata causa odii Divini.

Musa mihi causas memora, quo numine laeso,
 Invisum Superis degit in orbe caput?
 Chora Deūm soboles, Coeli atque Parentis imago,
 Diis odio, dum non degener, esse potest?
 Unde odium? *tantæne animis celestibus ira*?
 Protinus Urania est sic mihi visa loqui,
 Quisquis es, in coelis odii *nè* semina quæras:
 Hic etenim floret nil nisi pax & amor.
 Nectar & ambrosia hîc, & flumina mellis abundant:
 Nullus at hîc fontem succus amarus habet.
 Noctis moly scatet, scatet & nepenthes in hortis:
 Nulla venenosa hîc obtinet herba locum.
 Non hîc ulla mali labes, nec origo nocendi:
 Atē præcipitem misit ab axe Deus.
 Sunt cœlo nubes, sed mittit terra vapores:
 Tolle hos, atque aër indè serenus erit.
 Ira Dei flagrat vitii de fomite: tolle
 Hoc, & qui superest ardor amoris erit.
 Totus, totus amor Deus est: nihil ille nec odit
 Nec punit, præter criminā; & illa nihil.
 Non, nisi cūm *peccant homines*, sua fulmina mittit
Juppiter; & *clandi* sunt opus illa fabri.
 Antefacem raptam sceleratāque furta Promethei
 Nondum Pandora pyxis in orbe fuit.
 Utq; aquila infelix, Superūm dum altaria fumant,
 Sacrilego raptam cūm tulit ungue facem;
 Ipsa suos nidos aram facit, ipsa sacerdos,
 Ipsa fit invito *victima* sæva Deo:
 Haud aliter crudelis homo sibi funeris author,
 Incenditque suos (heu miser!) ipse rogos.
 Indulgens *Pater* est: nihil & mansuetius *Agno*:
 Denique cœlestis felle *Columba* caret.
 Ergo aliunde odii potius ducatur origo:
 Nè meritò inveniatur, quod malè quærit homo.
 Arbor enim mortis non nascitur in Paradiso:
 Ejus radicem reprobis intus habet.

Beale. L. William Beale. 22 1627 Master of St. John 1633-34. Vice ch. 1634-35.
 Stene. L. Richard Stene Master of Jesus 1633-44. 22 1635.
 Cumber. L. Thomas Cumber Master of Trinity 1631-45.
 Sanroft. L. William Sanroft. Master of Emmanuel 1628-37.

[1635].